

P R A V I L N I K
O REPREZENTACIJI U ZAVODU ZA IZGRADNJU KANTONA SARAJEVO

Septembar 2022. godine

Na osnovu člana 66. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine,, broj 35/05), direktor Zavoda za izgradnju Kantona Sarajevo, donosi

P R A V I L N I K O R E P R E Z E N T A C I J I

Član 1. (Predmet)

Ovim Pravilnikom regulisan je način, postupak i visina sredstava za reprezentaciju u Zavodu za izgradnju Kantona Sarajevo (u daljem tekstu: Zavod).

Član 2. (Troškovi reprezentacije)

Trošak reprezentacije se odnosi na rashode nastale uslijed ugošćavanja poslovnih partnera i radnika Zavoda s ciljem stvaranja i održavanja dobre volje i odnosa, obilježavanje godišnjica i značajnih događaja a koji su povezani s obavljanjem djelatnosti i /ili uspostavom poslovne saradnje radi održavanja službenih i poslovnih kontakata.

Član 3. (Pravo na korištenje sredstava reprezentacije)

(1) Pravo korištenja sredstava reprezentacije u Zavodu ima direktor Zavoda. I lica koje odlukom ovlasti direktor Zavoda.

(2) Pravo na korištenje sredstava reprezentacije u vidu usluge kafe- kuhinje u zgradi Zavoda i drugim dislociranim jedinicama imaju direktor, sekretar, pomoćnici direktora u skladu sa stvarnim potrebama a po odobrenju direktora.

(3) Zaposlenici Zavoda koji imaju pravo na reprezentaciju utvrđenu ovim Pravilnikom dužni su istu koristiti na način ,pod uslovima i prema postupku utvrđenim ovim Pravilnikom.

(4) Sredstva za nabavku robe za kafe-kuhinju osiguravaju su u Budžetu Zavoda za svaku tekuću godinu.

Član 4. (Iznos sredstava reprezentacije)

(1) Sredstva reprezentacije utvrđuju se na godišnjem nivou za tekuću godinu, a odnose se na:

- Osvježenja koja se služe tokom radnog vremena i sastanaka te obilježavanja godišnjica i značajnih događaja

- Ručkovi / večere i drugi formalni i neformalni objedi koji su vezani za rad Zavoda.

(2) Sredstva za reprezentaciju osiguravaju su u Budžetu Zavoda za svaku tekuću godinu.

Član 5. (Vođenje evidencije)

(1) O korištenju i troškovima reprezentacije evidenciju će voditi Sektor za računovodstvo, finansije i zajedničke poslove- Služba za računovodstvo i finansije.

(2) Svi računi za pružene usluge reprezentacije (iz restorana i drugih vidova korištenja reprezentacije) moraju biti u originalu.

(3) U prilogu računa iz stava 2 ovog člana mora biti priloženo i obrazloženje i razlozi korištenja reprezentacije (održavanje seminara, sastanaka, svečanosti povodom obilježavanja praznika, jubileja, raznih manifestacija i sl.).

(4) Uz evidenciju troškova reprezentacije čuvat će se originalni računi kao i svi drugi dokumenti vezani za troškove reprezentacije.

(5) Sektor za računovodstvo, finansije i zajedničke poslove- Služba za računovodstvo i finansije dužna je voditi evidenciju nabavke i utroška robe za rad kafe-kuhinje na obrascu broj 1. koji je sastavni dio ovog pravilnika.

(6) O reprezentaciji će se voditi evidencija na obrascu broj 2 koji je sastavni dio ovog Pravilnika.

Član 6. (Stavljanje van snage)

Ovim Pravilnikom stavlja se van snage Pravilnik o poklonima i reprezentaciji broj 05-036-129 od 10.07. 2018.godine.

Član 7. (Stupanje na snagu)

Ovaj pravilnik stupa na snagu danom donošenja i isti će biti objavljen na web stranici Zavoda.

Broj: 02-2-9197/22
Sarajevo, 03.10.2022. godine





EVIDENCIJA NABAVKE I UTROŠKAROBЕ ZA RAD KAFE - KUHINJE

Tabela 1.

Redni broj	Datum	ULAZ		IZLAZ		
		Vrsta robe za potrebe kafe - kuhinje	Količina robe za potrebe kafe-kuhinje	Vrsta pića i osvježenja	Količina pića i osvježenja	Korisnik usluga kafe-kuhinje

Oznaka: OB1

Verzija : o1

Datum:

EVIDENCIJA REPREZENTACIJE

TABELA 2.

Redni broj	VRSTA REPREZENTACIJE(interna ili eksterna)	KORISNIK REPREZENTACIJE	IZNOS REPREZENTACIJE	VRIJEME I MJESTO GDJE JE REALIZOVANA REPREZENTACIJA	POPIS PRILOGA(izvještaj.račun isl.)

O B R A Z L O Ž E N J E

I – PRAVNI OSNOV

Pravni osnov za donošenje Pravilnika o reprezentaciji Zavoda za izgradnju Kantona Sarajevo sadržan je u članu 66. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05).

II – RAZLOZI ZA DONOŠENJE

Zavod za izgradnju Kantona Sarajevo je 31.12.2005. godine donio Pravilnik o poklonima i reprezentaciji broj: 05-36-741/05, a na osnovu člana 66. Zakona o organizaciji organa uprave u Federaciji Bosne i Hercegovine i Smjernica za uspostavljanje i jačanje interne kontrole kod budžetskih korisnika („Službene novine Federacije Bosne i Hercegovine“, broj 19/05).

Obzirom da je gore navedeni Pravilnik zastario i da je došlo do promjene upravljačke strukture u Zavodu, ukazala se potreba za izradom novog modifikovanog Pravilnika o reprezentaciji.

U istom su definisani troškovi reprezentacije, pravo na korištenje sredstava reprezentacije, iznos sredstava i vođenje evidencije.

III – FINANSIJSKA I DRUGA SREDSTVA

Sredstva reprezentacije utvrđuju se na godišnjem nivou za tekuću godinu i ista su osigurana u Budžetu Zavoda.



Broj: 03-04-02-35185-1/22
Sarajevo, 26.09.2022. godine

ZAVOD ZA IZGRADNJU KANTONA SARAJEVO
gđa Belma Barlov, direktor

PREDMET: Pravilnik o reprezentaciji, mišljenje –
VEZA: Vaš akt, broj: 02-45-8781/22 od 20.09.2022.godine

Postupajući po Vašem aktu, broj i datum gornji, na osnovu odredbi člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 36/21) i člana 7. stav 2. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 50/17, 2/18-Ispravka i 32/22), a nakon dostavljenog korigovanog Pravilnika o reprezentaciji Zavoda za izgradnju Kantona Sarajevo shodno odgovoru Ministarstva pravde i uprave, broj: 03-04-02-35185/22 od 14.09.2022. godine, Ministarstvo pravde i uprave razmotrilo je dostavljeni Pravilnik i daje sljedeće

MIŠLJENJE

Pravilnik o reprezentaciji Zavoda za izgradnju Kantona Sarajevo je propis kojim se ne povrjeđuju prava zaštićena odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima, kojima je utvrđena zaštita ljudskih prava i sloboda.

S poštovanjem,

Dostaviti:
1. Naslovu;
2. a/a.

